

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

402. An, si major pars compromissariorum eligit scienter indignum, minor
verò pars, vel etiam unus solus dignum, valeat hujus minoris partis
electio; an vero cesset compromissum, & electio redeat ad ...

[urn:nbn:de:hbz:466:1-74485](https://nbn-resolving.de/urn:nbn:de:hbz:466:1-74485)

2. Respondeo secundò in specie, necessarium esse Primo, ut compromissum in genere compromissi sit validum. Secundo, ut compromissarii non excedant formam compromissi, & potestatis sibi commissa. Tertiò, ut electio communis fiat ab eorum uno, dum plures sunt. cap. sicut. h. t. in 6. idque per verba numeri singularis, sicut & in electione per scrutinium. Pass. n. 22. Quarto, ut in decreto electionis unus ex compromissariis dicat: Ego Titius vice mea & sociorum compromissariorum (si sunt plures) virtute compromissi eligo Cajum. Pass. n. 24. Quinto ut compromissarii non elegantur, nisi collegialiter unitis presentibus scilicet, qui debent, volunt, & possunt commodè interesse. Pass. loc. cit. Sexto, ut elegantur compromissarii (subintellige in compromissio absoluto) ab omnibus, nemine electorum contradicente. Pass. n. 22.

Quæstio 398. An Electores possint revocare commissionem datam Compromissarii?

1. Respondeo: id eos posse, re adhuc integrâ; Rescū re non amplius integrâ. Sigism. c. in causis, ibid. Abb. n. 11. Barb. n. 4. Mirand. t. 2. q. 23. a. 34. concl. 3. Sigism. dub. 20. n. 7. Pass. n. 25. cum communi contra Gl. in c. in causis. tum autem res in praesente materia adhuc est integra, cùm compromissarii nondum attigerunt substantialia negotii, nimirum dum necdum ceperunt tractare de persona eligenda, licet incepérunt actus quosdam alios, qui tantum sunt de solennitate, v. g. cantare missam de Spiritu sancto, Barb. Sigism. ll. cit. Pass. n. 26. Porro etiam re adhuc integrâ revocari non potest data potestas compromissarii, nisi à majore parte Capituli. Abb. in c. in causis. n. 16. Felin. in c. i. de major. & obed. Sigism. l. cit. Pass. n. 27. remanente semper apud minorem partem facultate rationabiliter opponendi contra defectus compromissariorum. Pass. loc. cit. qui tamen etiam præcisè ob infamiam puri facti rejicinon poterunt; cùm hæc infamia non viet electionem. Sigism. loc. cit. n. 11. Pass. n. 28. Sed neque re adhuc integrâ, etiam à majore parte revocari potest compromissum, dum data est compromissarii facultas ista gratiâ & favore ipsorum, nimirum ut electores illos hac ratione honorent (in dubio autem non censetur illis hoc modo donata hæc potestas. Lavor. c. 19. n. 23.) habet se enim tunc hæc collatio per modum donationis irrevocabilis. Abb. & Gl. in cap. in causis. Biaz. p. 3. c. 19. n. 2. Pass. num. 30.

2. De cetero, ut potestas hæc re integrâ admittatur compromissarii, requiritur revocatio expresa, intimata compromissarii. Abb. in c. in causis. Biaz. loc. cit. n. 3. Pass. n. 31. nec sufficit revocatio tacita, nisi in hoc casu, dum Capitulum readhuc integrâ prius eligeret, quam compromissarii incepissent tractare de electione; cùm re integrâ potestas adhuc remaneat apud Capitulum; unde dum illud tunc eligendo uitius potestate suâ, locum non haber electio subsecuta compromissariorum, licet hi electionem à Capitulo factam ignorassent. Biaz. & Pass. ll. cit.

Quæstio 399. An compromissum sit validum, si compromissarii elegantur à Superiori, vel ab uno aliquo Capitulari, reliquis tacentibus, & non repugnantibus?

Respondeo negativè: in rebus enim arduis magna que importantia debent omnes singulatim

interrogari, & expresa consentire, & in re onerosa & gravi taciturnitas non habetur pro coulensu. Abb. in c. in causis. n. 3. Biaz. p. 2. c. 19. n. 2. Lambert. loc. cit. a. 17. Sigism. dub. 22. n. 1. Pass. n. 32. Verumque idipsum est, etiam si singuli de Capitulo vocarentur, sed non daretur eis intervallum, in quo nedum possent respondere, sed commode & prudenter deliberare & contradicere; quia taciturnitas post responsionem non statim habetur pro consensu. Innoc. in c. cùm in cunctis. h. t. Gonz. ad reg. 8. cancell. gl. 46. n. 40. Sigism. dub. 22. n. 4. Pass. n. 35. citans quamplurimos alios. Neque obstat, quod ubi in Capitulo tractatur aliquid illicitum & damnable, qui sunt in Capitulo, teneantur illud expressè contradicere; nam hoc ad summum verum est, quantum ad vitandam culpam: sed nec hanc incurritur, aut tacens haberi potest pro consentientia, dum Capitularis racet, quia videt se loquendo nihil profectum, vel à numero sufficiente vocalium negotium illicitum jam esse conclusum. Abb. in c. in causis. Pass. n. 37. citans Biaz.

Quæstio 400. An ubi unus solus est compromissarius, is possit se ipsum eligere?

Respondeo, negativè. Gl. in c. cùm in jure. h. t. Pass. n. 38. cum communi. Verumque idipsum est, etiam si compromissarius jurasset se electum dignorem, & ipse esset evidenter melior; censetur enim adhuc ambitiosus, & hinc repellendus. c. in Scripturis. 8. q. 1. Pass. n. 39. neque ipse cadit sub isto juramento, sed intelligitur exceptus. Pass. ibi. quia in generali sermone loquens non comprehenditur c. pet. de jure pat. Gl. in c. cùm in jure.

Quæstio 401. Num ubi compromissarii sunt plures, possint eligere unum ex suis, seu ex seipsis?

1. Respondeo primò: si compromissum sub hac forma, ut compromissariorum unus possit elegi, valebit ista electio. c. cùm in jure. h. t. Imò sufficit, quod sit electus à medietate aliorum compromissariorum, & ipse consentiat electioni; censentiendo namque augabit numerum suffragiorum, ita ut jam evadat electus à majore parte supra medietatem. cit. c. cùm in jure. Verum intelligendum hoc de electione, in qua servanda non est forma cap. quia propter, nam tunc, si electio fiat per vota publica, is qui se vider eleitus à medietate eligitum, potest suo consensu augere numerum, absque eo, quod ex hoc ambitiosus censetur; si autem fiat per vota secreta, poterit adhuc publicatis votis, mutato voto suo, consentiendo sua nominationi, accedere ad medietatem, & sic augere numerum. Sylv. v. Electio. n. 20. Pass. n. 42.

2. Respondeo secundò: si forma compromissi est exclusiva, nimirum ut nullus compromissariorum eligatur, nou valebit talis electio. Pass. n. 43.

3. Respondeo tertio: si compromittendo nec expresa datur facultas eligendi unum ex compromissariis, nec illa facultas expresa admittit, valeare adhuc talam electionem. Lavor. cap. 19. n. 36. Pass. n. 43, citans Abb. Archid. Innoc. Holt, contra Sylv. Tancred. &c.

Quæstio 402. Num, si major pars compromissariorum elegat, scilicet indiguum, minor vero pars vel etiam unus solus dignum, valeat

valeat hujus minoris partis electio; an vero cesse compromissum, & electio redeat ad Electores?

R Espondeo: non valere tunc electionem, eamque tunc redire ad Capitulum, Sylv. v. electio, q. 2. n. 25. Lavor, de elect. c. 2. n. 51. Pass. n. 46, contra Abb. in c. cum in jure. n. 7. Tabenam, v. electio, q. 2. n. 6. & alios censentes in isto casu maiore parte compromissarii privatâ voce (nam & hi eligentes scienter indignum privantur potestate eligendi, c. si compromissarius. b. t. in 6. electionem factam à minore parte dici posse factam ab omnibus, neque delictum majoris partis debere nocere minori parti, ita ut potestas data redeat ad Capitulum; Verum ratio responsio est, quod cum electores ideo elegerint tres v. g. compromissarios, quia noluerunt ligari ad unum, seu confidere judicio unius solius, electio digni facta ab uno non est secundum formam compromissi; adeo que etiam isti uni, vel minori parti non fit injuria, quia jam non admittit illi, quod ei datum fuerat; quippe non compromiserunt electores stare illius solius judicio. Pass. l. cit.

2. Porro redire quoque potestatem eligendi ad Capitulum, dum compromissarii ignoranter elegerunt indignum, tenet Sylv. loc. cit. Barb. &c. ad c. si compromissarius. n. 2. Cuch. l. 4. c. 38. & quod hinc inferit Pass. n. 47. in genere; quotiescumque electio facta à compromissarii, est ipso jure nulla, si eam potestarem Capitulum non ratificet, redditque ea iterum ad Capitulum, & potest hoc iterum eligere, non exspectato confirmatoris judicio; si tamen necdum expiraverit tempus datum electoribus ad eligendum. Pass. loc. cit. si enim compromissarii non eligant intra tempus statutum, electio devolvitur ad Superiorem. c. si compromissarius. h. t. in 6. Lavor, loc. cit. Pass. n. 48. Ad hanc compromissarii eligentes indignum puniuntur suspensione per triennium ab omnibus beneficiis, quæ obtinent in ecclesia, quam eligendo indignum offenderunt, quæ tamen penalocum non habet, nisi in electione Episcopi, vel Episcopo Superioris, neque etiam in alia electione, si compromissarius sit Episcopus, vit. c. si compromissarius. h. t. in 6. ibidem Barb. n. 7. Pass. n. 49.

Questio 403. Num si Electus per compromissum, non consentiat electioni, redeat ad Electores?

R Espondeo affirmativè. cap. si compromissarius. Cuch. Sigism. Barb. apud Pass. n. 50.

Questio 404. Num compromissarii possint eligere extrancum?

R Espondeo: eti melius sit ceteris paribus eligere de gremio. c. quod sicut. h. t. absoluere tamen possunt eligere personam de quounque loco, nec ex forma nec a lege aut consuetudine, nec ex forma compromissi (quæ lex vel forma alias servanda est) sunt ligati. Sylv. loc. cit. n. 26. Pass. n. 51.

Questio 405. Num si ipse confirmator sit compromissarius, possit uno eodemque actu eligere, & confirmare?

R Espondeo: negat Abb. in c. causam. h. t. n. 6. Jo. And. Butrio. Sylv. eò quod eligere & confirmare conveniat tunc confirmatori ex diverso jure. Affirmat econtra Pass. n. 52. eò quod ex di-

strictis virtutibus possit procedere idem actus, habens ab utroque valorem, & institutio simul sit electio, siatque frustra per plura, quod potest fieri per pauciora; sic itaque posse Episcopum compromissarium uno actu simul eligere, & instituere, v. g. Abbatissam.

Questio 406. Num Regulares possint compromittere in Superiorem?

R Espondet affirmativè Peyr. tom. 3. c. 3. n. 8. citans Abb. & alios; Respondeo negative Pass. n. 53, eò quod sustinet & probet Regulares vi conciliij Trid. non posse eligere per formam compromissi.

Questio 407. Quanam sint de substantia electionis per communem inspirationem?

R Espondeo: primum fieri debet ab omnibus electoribus nemine non consentiente in eandem personam. Abb. in c. quia propter. Biax. p. 3. c. 16. n. 3. Pass. c. 23. n. 1. Secundo sine ullo praevio tractatu. AA. iidem. Quamvis non obstat tractatus generalis de persona idonea eligenda; sed neque tractatus particularis de hac vel illa persona eligenda, dum postmodum repente excitati omnes, nullo dissentiente, alium eligunt, de quo nulla fuit facta mentio in precedente tractatu. Sigism. dub. 2. n. 6. Pass. v. electio. n. 5. Pass. l. cit. Tertio, multoq; magis sine prævia ullius nominatione; dum enim quis proponit à præside vel alio, electio censetur ex inspiratione humana, adeoq; requiritur, ut vel tumultum ab omnibus per verbū eligo, vel ab uno aliquo incipiente, quæ mox omnes subsequantur, fiat. Sigism. Pass. Pass. l. cit. Quartò, quod commune est huic electioni cum aliis, ut ex commissione vel determinante legi aut Capituli unus vice omnium eligit, & electionem perficiat, iidem AA. l. cit. Biax. p. 3. c. 16. Miraud. tom. 2. q. 23. a. 42.

Quest. 408. An sit Electio per communem inspirationem, si unus Elector sit absens & contemptus?

R Espond. negativè Biax. p. 3. c. 16. Butr. in c. quia propter. n. 1. Tusc. lit. E. concl. 74. n. 2. Sigism. dub. 2. n. 6. talis enim absens est de numero eligitum, & si ratam habet alterius electionem, præsumitur hoc facere persuasus à facto aliorum, & non ex DEI instinctu. Pass. n. 2.

Questio 409. An sit electio per communem inspirationem, si qui consensit ex primo impulsu motus, dum adhuc potest varia re votum, peniteat, & votum revocet?

R Espondeo negativè; jam enim non est electio uniformis, seu unanimis. Pass. n. 3. Potestque id ipsum contingere etiam in scrutinio secreto per schedas, dum nimis postquam dedit schedam, dicat Capitulo, se non persistere in voto dato, eti id dicat ante publicationem scrutinii, nihil refert, quod sciri non possit, quæ fuerit ejus scheda. Pass. n. 16.

* *

Quæ-